

LEMBARAN PENDEDAHAN PRODUK

Sila baca Lembaran Pendedahan Produk ini sebelum anda membuat keputusan untuk mengambil Polisi Insurans Kemalangan Diri ini. Pastikan anda juga membaca terma am dan syarat.

Insurans Perjalanan Kemalangan Diri

1. Mengenai apakah produk ini?

Produk ini menyediakan pampasan dan pembayaran ganti sekiranya berlaku kematian atau hilang upaya menyeluruh kekal yang diakibatkan sepenuhnya oleh keganasan, kemalangan, punca luar dan jelas kelihatan semasa perjalanan anda.

Perlindungan adalah sah di lokasi / negara sebagaimana yang dinyatakan dalam perjalanan anda untuk tempoh yang dinyatakan oleh anda sebelum mengeluarkan Polisi ini.

2. Apakah perlindungan / faedah yang disediakan?

Produk ini melindungi:

- Kematian
- Hilang Upaya Kekal
- Perbelanjaan Perubatan

Apabila bayaran premium tambahan polisi boleh diperluaskan untuk melindungi yang berikut:

- Kelewatan Penerbangan
- Pembatalan Perjalanan
- Pemindahan Kecemasan
- Kehilangan atau Kerosakan Bagasi dan / atau Barangan Peribadi
- Kehilangan Dokumen Perjalanan
- Dan Lain-Lain Manfaat Ketidakselesaian Perjalanan

Sila rujuk kepada Skala Pampasan bagi Kematian dan hilang upaya kekal dalam kontrak polisi.

3. Berapakah premium yang saya perlu bayar?

Premium yang anda perlu bayar adalah berbeza bergantung kepada jumlah yang diinsuranskan, skop perlindungan, destinasi anda dan tempoh pelancongan anda.

4. Apakah yuran dan caj yang saya perlu bayar?

Selain premium, anda perlu membayar:	Jumlah
a. Cukai Barangan & Perkhidmatan Kerajaan, jika berkenaan	6% daripada premium
b. Duti setem	RM 10.00

Premium yang anda perlu bayar termasuk komisen yang dibayar kepada pengantara, jika ada, berjumlah 25% daripada premium.

LEMBARAN PENDEDAHAN PRODUK

Sila baca Lembaran Pendedahan Produk ini sebelum anda membuat keputusan untuk mengambil Polisi Insurans Kemalangan Diri ini. Pastikan anda juga membaca terma dan syarat.

5. Apakah terma dan syarat utama yang saya harus tahu?

- **Kewajipan pendedahan:**

Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan dalam Borang Cadangan ini. Anda dikehendaki menjawab soalan-soalan dalam Borang Cadangan ini dengan lengkap dan tepat.

Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.

Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.

Sebagai tambahan kepada soalan-soalan dalam Borang Cadangan ini, anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.

Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami, apa-apa maklumat yang dinyatakan dalam Borang Cadangan ini tidak tepat atau telah berubah.

Anda mestilah mematuhi dan memenuhi Terma, Syarat, Pengendorsan, Fasal atau Polisi Waranti.

- **Tunai Sebelum Perlindungan:** Premium penuh mesti dibayar kepada kami atau ejen yang diberi kuasa oleh kami sebelum tarikh polisi berkuat kuasa.
- **Had Umur:** Anda mestilah berumur antara 16 tahun hingga 65 tahun.
- **Penama:** Anda mesti menamakan penama dan untuk memastikan bahawa penama anda sedar polisi kemasalahan peribadi.
- **Tuntutan:** Anda mesti menyerahkan tuntutan anda dengan semua maklumat dan dokumen sokongan kepada kami dan memberi kerjasama kepada kami dalam mengakses tuntutan anda.
- **Cukai Barang & Perkhidmatan Malaysia:** Anda bersetuju untuk membayar kami apa-apa cukai atau caj kerajaan yang dikenakan oleh kerajaan dengan pelaksanaan atau penyerahan polisi ini.

NOTA: Senarai ini tidak lengkap. Sila rujuk kepada kontrak polisi untuk senarai penuh terma dan syarat di bawah polisi ini.

6. Apakah pengecualian utama di bawah polisi ini?

Polisi ini tidak melindungi:

- Membunuh diri, mencederakan diri atau cubaan membunuh diri, pendedahan diri secara sengaja kepada kecederaan, sengaja menimbulkan serangan, kehamilan atau melahirkan anak atau apa-apa kerengsaan fizikal atau kelemahan yang sedia wujud.
- Orang yang Diinsuranskan buat sementara waktu atau secara kekal atau tidak siaman atau mempunyai fikiran yang tidak stabil atau di bawah pengaruh dadah atau alkohol atau kerana tidak boleh menguasai diri.
- Peperangan, Serangan Tindakan Musuh Asing, Permusuhan Peperangan Saudara, Pemberontakan Revolusi, Insureksi Kuasa Tentera atau Rampasan Pemerintahan Tentera.
- Melibatkan diri atau mengambil bahagian dalam perkhidmatan atau operasi tentera udara, laut atau darat atau mengambil bahagian dalam operasi yang dirancang atau dijalankan oleh pihak berkuasa awam atau tentera.
- Tindakan keganasan bermaksud apa-apa tindakan, termasuk tetapi tidak terbatas kepada penggunaan kekerasan atau keganasan dan / atau ugutan sedemikian, oleh mana-mana orang atau kumpulan orang, sama ada bertindak sendirian atau bagi pihak atau berkaitan dengan mana-mana organisasi atau kerajaan, komited kerana politik, agama, ideologi atau yang seumpamanya termasuk niat untuk mempengaruhi mana-mana kerajaan dan / atau menyebabkan orang awam atau sebahagian orang awam berada dalam ketakutan.

NOTA: Senarai ini tidak lengkap. Sila rujuk kepada kontrak polisi untuk senarai penuh terma dan syarat di bawah polisi ini.

LEMBARAN PENDEDAHAN PRODUK

Sila baca Lembaran Pendedahan Produk ini sebelum anda membuat keputusan untuk mengambil Polisi Insurans Kemalangan Diri ini. Pastikan anda juga membaca terma am dan syarat.

7. Bolehkah saya batalkan polisi saya?

Anda boleh membatalkan polisi anda pada bila-bila masa dengan memberi notis bertulis kepada kami. Bagaimanapun tidak akan ada apa-apa bayaran balik premium dengan premium yang dibayar untuk tempoh yang melebihi tarikh penamatan.

8. Apakah yang perlu saya lakukan jika terdapat perubahan dalam butiran peribadi saya?

Adalah penting untuk anda memaklumkan kepada kami tentang sebarang perubahan mengenai maklumat anda bagi memastikan semua surat-menyurat sampai kepada anda tepat pada masanya.

9. Dari mana saya boleh mendapatkan maklumat lanjut?

Sekiranya anda memerlukan maklumat tambahan mengenai Insurans kemalangan diri anda boleh merujuk kepada buku insurans info "Insurans Kemalangan Diri" yang boleh didapati dengan melayari www.insuransinfo.com.my

Jika anda mempunyai sebarang pertanyaan, sila hubungi kami di:

MPI Generali Insurans Berhad
8th Floor, Menara Multi-Purpose
Capital Square,
8, Jalan Munshi Abdullah
50100 Kuala Lumpur

Tel: 603-2034 9888
Fax: 603-2694 5759
Email: generalenquiries@mpigenerali.com

10. Lain-lain jenis insurans Kemalangan Peribadi yang sedia ada

- Travel Protection Plan (online)
- Multi PA Premier
- The Gladiator

NOTA PENTING:

ANDA DINASIHATKAN UNTUK MEMBERI PERHATIAN KEPADA SKALA MANFAAT UNTUK KEMATIAN DAN HILANG UPAYA KEKAL DALAM POLISI INSURANS ANDA. ANDA MESTI MENCALONKAN SEORANG PENAMA DAN PASTIKAN PENAMA ANDA TAHU MENGENAI POLISI KEMALANGAN DIRI YANG ANDA BELI. ANDA PERLU MEMBACA DAN MEMAHAMI POLISI INSURANS DAN BERBINCANG DENGAN EJEN ATAU HUBUNGI SYARIKAT INSURANS UNTUK MAKLUMAT LANJUT.

Maklumat yang disediakan dalam helaian pendedahan ini adalah sah pada atau sehingga 15/07/2015.